



ORDENANZA REGULADORA DA TAXA POR OCUPACIÓN DO SUBSOLO DE TERREOS DE USO PÚBLICO MUNICIPAL

Artigo 1. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da **Taxa pola ocupación do subsolo de terreos de uso público municipal**.

Artigo 2. Feito imponible

Constitúe o feito imponible da Taxa a ocupación do subsolo de terreos de uso público municipal.

Artigo 3. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 33 da Lei xeral tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

Artigo 4. Responsables

- Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.
- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

Artigo 5. Cota tributaria

A cota desta taxa será a que figura no anexo desta ordenanza.

Artigo 6. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.



Artigo 7. Dereito a percibir

Tense dereito a percibi-la taxa e nace a obriga de contribuír:

- Nos servicios de retribución puntual, cando se presente a solicitude de concesión ou autorización do aproveitamento.
- Nos servicios de retribución periódica, nace a obriga de contribuír o día primeiro de cada ano natural.

Artigo 8. Liquidación

- Cando se trate de servicios puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.
- Cando se trate de servicios de retribución periódica liquidarase a taxa nos períodos que se sinalen na tarifa da taxa ou co padrón anual de exaccións municipais.
- Se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9. Ingreso

O pagamento desta taxa realizarase:

- Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ó inicio do expediente de concesión ou autorización do aproveitamento interesado.
- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal. Con carácter previo á autorización ou

concesión da licencia do aproveitamento, a persoa ou entidade interesada no aproveitamento aboará o importe da taxa en calidade de depósito previo.

- No caso de denegarse as autorizacións, os interesados poderán solicita-la devolución da taxa ingresada en calidade de depósito previo.
- Unha vez autorizada ou concedida a licencia de aproveitamento entenderase prorrogada mentres non presente a declaración de baixa o interesado.
- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirán efectos no período natural seguinte ó de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL.

A presente ordenanza fiscal, cunha redacción definitiva aprobada polo Pleno da Corporación na sesión que tivo lugar o 23.11.1998, entrará en vigor o día 1 de xaneiro de 1999.

Publicación B.O.P.: 3-02-1999

Modificacións realizadas:

	Acordo	Publicación B.O.P.
1ª	Pleno 13.12.2002	12.03.2003
2ª	Pleno 10.11.2003	26.12.2003
3ª	Pleno 08.11.2004	30.12.2004
4ª	Pleno 10.11.2005	29.12.2005
5ª	Pleno 13.11.2006	30.12.2006
6ª	Pleno 05.10.2007	11.12.2007
7ª	Pleno 02.10.2008	10.12.2008

ANEXO

Primeiro. Tarifa

I. Para a aplicación desta taxa terase en conta a clasificación de rúas que se transcribe a continuación:

RÚAS DO GRUPO A:

Avda. de Benito Vigo
Praza de Galicia
Rúa de Calvo Sotelo
Rúa Ulla
Avda. de Pontevedra (ata a Avda. de Marín)



Praza da Constitución
Rúa nº. 5 ou rúa Castelao
Praza de Martínez Anido
Rúa Capitán Bernal
Rúa Peregrina
Avda. de América
Rúa de Waldo A. Insúa
Rúa de Padron
Praza da Igrexa
Rúa de Serafín Pazo (dende a Pza. de Galicia ata a Avda. de Benito Vigo)
Rúa de Pérez Viondi (dende a Pza. da Galicia ata a Avda. de Benito Vigo)
Rúa de Iryda (dende a rúa Justo Martínez ata a Avda. de Ponteareas)
Avda. de Ponteareas (dende a Porta do Sol ata a Avda. de Benito Vigo)
Rúa de Severino Trigo
Rúa Don Nicolás
Travesía de Vega de Armijo
Rúa Justo Martínez

RÚAS DO GRUPO B:

Avda. de Pontevedra (dende a Avda. de Marín ata o final)
Rúa Fernando Conde (dende a Porta do Sol ata o cruce coa estrada de Vinseiro)
Avda. de Santiago
Rúa nº. 18 de Ordenación Urbana ou Rúa de Ceredo
Rúa nº. 19 de Ordenación Urbana ou Travesía Avda. de América
Rúa nº. 20 de Ordenación Urbana ou rúa de Forcarei
Rúa nº. 5 de Ordenación Urbana ou Antón Losada Diéguez
Avda. de Vigo
Avda. de Venezuela
Travesía Irmáns Valladares
Rúa San Paio (dende a Pza. de Galicia ata o límite do casco de poboación)
Rúa Gradín
Travesía de Veá
Rúa Serafín Pazo (dende a Avda. Benito Vigo ata o límite do casco de poboación)
Rúa Pérez Viondi (dende a Avda. Benito Vigo ata o límite do casco de poboación)
Rúa Iryda (dende a Avda. de Ponteareas ata o cruce que sae da casa de Hrdos. de D. Jesús Portela), ou rúa nº. 49
Rúa da Baiuca
Rúa do Muiño (dende a rúa Leicures ata o límite do casco urbán)
Rúa nº. 18 ou Travesía ou Prolongación Waldo A. Insúa
Rúa Marín
Rúa de Rosalía de Castro
Travesía do Cruceiro
Rúa nº. 24 ou nº. 58 das vixente N.O.S.P.
Prolongación da Avda. de Ponteareas ou Avda. da Torre (dende a Avda. de Benito Vigo ata o límite do casco de poboación)
Rúa do Matadoiro
Rúa Leicures
Rúa nº. 62
Rúa X ou nº. 13 das N.O.S.P.
Rúa Y ou nº. 11 das N.O.S.P.
Rúa nº. 14



Rúa nº. 29
Travesía da Igrexa
Praza da Feira

RÚAS DO GRUPO C:

Rúa de Iryda (dende a casa de Hrdos. de Jesús Portela ata o final)
Rúa do Cruceiro
Rúa da Cañoteira
Rúa Decoita
Rúa Penerada
Outros lugares do extrarradio e demais vías públicas non sinaladas anteriormente e enclavadas en solo urbano ou apto para urbanizar.

GRUPOS N e R:

Comprende as vías públicas enclavadas na zona rural do municipio.

II. A estrutura e contía desta taxa é a que figura a continuación, respectando, en todo caso, o disposto no artigo 24.1 e na Disposición Adicional 8 da Lei 39/1988, de 28 de decembro:

TARIFA 1.- Cables, riles, tubarias e outros análogos. Definición: Licencias para a ocupación privativa ou especial do subsolo cos seguintes elementos e segundo a medición do elemento físico tributario que se especifica en cada epígrafe. O período de tempo correspóndese con un semestre.

1. Transformadores: por cada metro cadrado. O valor da ocupación dividirase por 2.
2. Cables de traballo, por metro liñal ou fracción.
3. Cables de alimentación ou conducción de enerxía eléctrica, por metro liñal ou fracción. O valor da ocupación dividirase por 2.
4. Ocupación telefónica: por cada metro liñal de canalización ou fracción. O valor da ocupación dividirase por 2.
5. Cables non especificados noutros epígrafes, por cada metro liñal ou fracción. O valor da ocupación dividirase por 2.
6. Conduccións de calquera clase restantes:
 - a) Por ml. e por 0,25 se o ancho non excede de 50 cm.
 - b) Por ml. e por 0,50 se o ancho non excede de 1 m.
 - c) Por ml. e por 0,75 se o ancho excede de 1 m.

A contía correspondente a esta tarifa será o resultado de multiplicar ou dividir, segundo os casos, o valor da ocupación indicado na seguinte relación, segundo a posición por zonas, polos coeficientes ou divisores indicados en cada epígrafe (parámetro 1 se non se indica nada) considerando os metros lineais e como tempo mínimo un semestre.

Valor da ocupación segundo unidade de medición:

ZONA A.....	9,62	€/semestre
ZONA B.....	6,18	“ “
ZONA C.....	2,73	“ “
ZONA R e N....	0,26	“ “

TARIFA 2.- Aparellos surtidores de gasolina e análogos. Definición: Ocupación do subsolo da vía pública con depósitos de combustible líquidos ou gases. Período computable: un ano.

A contía obterase da seguinte táboa:

ZONA A.....	19,36	€/ m ² ano
ZONA B.....	12,24	“ “ “
ZONA C.....	5,59	“ “ “
ZONA R e N....	0,60	“ “ “

TARIFA 3.- Outras instalacións non incluídas anteriormente. Definición: Ocupación privativa do dominio público con elementos que poidan ocupar subsolo, por semestre.

As contías obteranse da táboa seguinte, considerando como superficie mínima computable un metro cadrado:

ZONA A.....	10,34	€/ m ² semestre
ZONA B.....	6,54	“ “ “
ZONA C.....	2,98	“ “ “
ZONA R e N....	0,36	“ “ “

Segundo. Outras normas especiais de xestión

As cantidades esixibles con arranxo á Tarifa liquidaranse por cada aproveitamento solicitado ou realizado e serán irreducibles polos períodos de tempo sinalados nos respectivos epígrafes.